

- concesse fin el zorno presente. Et perchè el potria occorer che chi depositasse o per suo fiol o per suo nepote o fratello sopravvisse, zoè ch' el fiolo o nepote o fratello morisse avanti lui, perhò sia preso che in tal caso il prefato che havesse depositado possi substituir uno altro, over coluj volesse intrar in loco suo sia tenuto darli i suj danari; et si uno de fuori via depositasse per haver uno de dicti officij et morisse avanti intrasse in dicto officio, la Signoria nostra sia tenuta restituirli i danari suj, over l' herede suo possi intrar in dicto officio.

Non se possi revocar suspender interpretare e altramente dechiarir la presente deliberation, sotto pena a chi metesse parte in Consejo de ducati mille d' oro, et se in quello fusse preso, non sij de niun valor over momento.

16 *Scurtinio di provedador a Feltre.*

- Sier Marco Gradenigo fo soracomito, *quondam* sier Justo.
 Sier Francesco Barbaro fo podestà e capitano a Sazil, *quondam* sier Antonio.
 Sier Trojam Bollani fo provedador a Lonà, *quondam* sier Jeronimo.
 Sier Jeronimo Nani fo podestà e capitano a Bas-san, *quondam* sier Francesco.
 Sier Jeronimo Baffo fo ai X savij, *quondam* sier Mafio.
 Sier Zorzi Semitecolo fo sopracomito, *quondam* sier Zuane.
 Sier Piero Boldù fo conte in Arbe, *quondam* sier Lunardo.
 Sier Francesco Gradenigo, *quondam* sier Nicolò.
 Sier Francesco Duodo fo podestà a Caxal Mazor, *quondam* sier Lunardo.
 Sier Vetur di Garzoni el Grando, *quondam* sier Vicenzo.
 Sier Pelegrin Venier fo governador a Pulignam, *quondam* sier Nadal.
 Sier Nicolò di Prioli fo provedador ad Axola, *quondam* sier Mafio.
 Sier Marco Memo fo judexe de procuratori, *quondam* sier Andrea.
 Sier Thomà Mozenigo el provedador sora el cotimo de Damasco.
 Sier Alvise Zorzi fo capitano di la riviera di la Marcha, *quondam* sier Antonio el cavalier.
 Sier Zuan Antonio de Renier fo provedador a Riva *quondam* sier Jacomo.

Sier Nadal Marcello fo sopracomito, di sier Nicolò.

Sier Alvise Bembo, *quondam* sier Pollo da San Zulian.

Sier Antonio Badoer fo cao di XL, *quondam* sier Marin.

Sier Zuan Antonio Barbaro fo provedador a Piove di Sacho, *quondam* sier Josafat.

Sier Zuan Francesco Badoer fo zudexe de petition, di sier Jacomo.

Sier Cristofal da Canal fo camerlengo de comun, *quondam* sier Luca.

Sier Bernardin da Canal el Grando, *quondam* sier Piero.

† Sier Andrea da Mosto fo capitano in Po, *quondam* sier Piero.

Sier Piero Querini, *quondam* sier Antonio *quondam* sier Querin.

In questo zorno sier Zuan di Garzoni de galia bastarda sopracomito, parti e andò in Istria. Et è da saper, per colegio fo scritto in Istria et mandato comandamento a la prima galia trovasse andasse in Ancona a levar li oratori vieneno di Roma.

Item, ozi do galie bastarde, erano a Chioza, veneno a disarmar, *videlicet* sier Alvise Contarini *quondam* sier Piero et sier Lunardo Zustiniam *quondam* sier Unfrè.

A dì 15 da matina fono lettere di Xagabria di sier Piero Pasqualigo dotor et cavalier orator nostro di 27 fevrer et primo marzo. Nulla da conto. Chome il re era a Praga et veria a Buda, et si feva una dieta in Istrigonia la qual è stà messa a questo San Zorzi. *Item*, scrive dil conte Palatino, al qual havia mandato a parlarli et spera sarà admeso etc.

Da poi disnar fo pregadi et leto queste lettere di Hongaria. Che fiorentini ampliano molto la rota di le galie per quel regno, et che la dieta si fa, a la qual il re vol che intravengi quelli bani di Croatia etc. che confina con la Dalmatia, che è cossa inusitata, la qual si farà questo San Zorzi.

Di Campo, fo lettere di 14. Nulla da conto più di l' usato.

Di Istria fo leto una lettera di sier Filippo Minio podestà di Albona e Fianona, di do. Scrive chome il Soldato di Muja corsaro di ventura, qual armò una fusta, havia preso uno castel dito Castel novo su l' Arsa ch' è di l' imperator, et scrive etiam lui.